

Homenahe na Hubert Lio

Booi,diaranson 25 di juli

Durante un conferencia di prensa awe mainta riba e plenchi di Hubert Booi na Instituto di Cuktura, a tuma lugar e presentacion di e programa di Homenahe Nacional na e gran autor, declamador y muscio, Hubert Lio Booi, kende lo cumpli 93 aña di edad riba e fecha aki.

Hubert Booi tabata e prome director di e departamento di Cultura for di 1978 – 1980.

Hubert Booi ta conoci di a atribui na nos himno y bandera y nos himno nacional.

E comision aki cu ta consisti di diferente figuranan conoci den nos comunidad manera; Stanley Arends y Percy Jeandor, kendenan lo ta e maestronan di ceremonia es anochi aki di festividad.

Alice van Romondt, Omai-ra Britten, Irais S., Sigfried Dumfries y Frank Croes, ta esnan encarga pa e anochi aki bira uno exitoso. Presente na e ocasion special aki lo ta Gezaghebber di Boneiro, Lydia Emerencia, diputado di Cultura di Bo-

neiro y otro celebridadnan cu e anochi aki lo ta presente.

Riba diaranson anochi aki, e caya di Kamerling Onnestraat lo nser sera pa trafico y lo tene e homenahe aki pa Hubert Lio Booi.

E programa lo inicia es anochi aki pa 7:00 en punto, na unda diferente artista y declamadornan lo hasi nan presentacion.

E anochi lo inicia cu caha di orgel di e famoso Nelson Sprock, sigui pa De Trupialen, Coro Tutti Frutti, Coro Melange y e pareha, Dolfi y Belen Kock lo hasi declamacion di poesia. Jossy Brokke Jr. Y Trio Huasteca lo presenta tambe cu nan cancionnan special pa es anochi aki.

E yui muher di Hubert Lio Booi, Antonieta Booi y su grupo tambe lo duna nan presentacion den e homenahe aki pa su tata.

Na final di e anochi lo sera cu un broche di oro door di Rincon Boys.

E caya di Kamerling-Onnestraat lo habri pa 9:30 di anochi atrobe.